

| qinnuteqartoq: | siunertaq / piviusunngortilersaagaq: | akuersissut: |
|---------------------------------------|--|--------------|
| Kim Hansen Helsingør | Ivalo & Minik Fonden Nuuk Ivalo & Minik Fonden-ip siulersuisui siusinnerusumut naleqqiullugu assigusumik 2022-mi ingerlatsinermit allattoqarnermullu qinnuteqarpoq. Qinnutigaagut 150.000 koruunit. 2020-mi naatsorsuutitsinni ersippoq 114.000 koruunit ataatalaagut allattoqarnermut aamma nittarsaanermut atorsimagivut. Tassani malunnarnersaapput allattoqarnermut tunngatillugu akissarsiat, kukkunersiuisoqarneq aamma nittarsaaneq (tamanut ammasumik qinnuteqaateqaateqartoqarnissaanik ujartuineq). 2022-mut 114.000 koruunit annertunerusunik qinnuteqarnitsinnut pissutaavoq nalignnaasumik akit qaffassimani aamma aningaasaliisartunut aamma tapiiffigisimasatinnullu Nuuk-mi aaqjissuussaqaalersaaratta. Tamanna soorunami covid-19-mut tunngatillugu kil-lilersuineqarneranut apeqqutaalluinnarpoq. Qinnuteqaatigisavut tamarmik aningaasaateqarfiup ingerlanneranut atorineqanngip-pata sinneruttut ilinniagaqarniartunut tapiissutitsinnut ilaatinneqassapput. Tamanna ukiut pereersimasunut assigalugit. Ivalo & Minik Fonden-ip siulersuisui sinnerlugit. Suliniut inuit 10-t tungaannut tapiissuteqarnermut tuttussaapput. | 150.000 |
| Malene Nielsen Elise Bruhn Nuuk | CykelDrengene Danmark CykelDrengene-nit kateriittunut saqqummiineq. Isumaqaratta inuusuttunut kateriittunut saqqummiinikipallaartoq una inuusuttu-nut isummersuutaasinnaasoraarput. Kikkuuppat CykelDrengene? CykelDrengene angutaapput marluk - inuunermut piunassuseqarluartut, aamma inuunermi misilittakkaminnit eqqarsartaatsimikkut sakkusaqarluartut, inuusukka-luarlutik inuunerminni misilittagaqarluarnermik aallaavilinnit. CykelDrengene tallimassaani takusassiinermi DR1-ip saqqummiussaani 'Alene i Vildmarken' ajugaaniunermi ajugaapput. CykelDrengene nunarsuaq kaajallallugu cikkilersimapput katillugit 24.391 km-terit. 21-nik ukioqarlutik nukappiaqqatut inuu- | 65.000 |

| | | |
|----------------|--------------------------------------|--------------|
| qinnuteqartoq: | siunertaq / piviusunngortilersaagaq: | akuersissut: |
|----------------|--------------------------------------|--------------|

sukaajullutik aallaramik uterput angutinngorsimallutik.

Maanna CykelDrengene Danmark-imi kateriittunut saqquumiisarput, tamanut 7. klasse-niit qummut, meeqqanut inuusuttunullu innarluutilinnut, ulluinnarni inuuniarnermi inissisimanerluttunut aamma pisortaasunut.

Niclas affarmik kalaaliuvoq, tassa ataataa Tunuminnaangaaneersuugami.

Anguniakkat 1: Nunatsinni inuusuit ilinniarnermik ingerlatallit inuusuit allat nuannaartorinninnikut qummut isigisassaaleqipput. Eqqarsartaasikkut sakkussanik pisariaqartitsisoqarpoq, aalajangiussivilluni anguniangaqarneq, imminut ilisaraluni qiviarsinnaaneq, inuunermi unamminartunit naapitsitsinissamut piareersimassuseqarnissaq. Kateriittunut saqqummiinermi CykelDrengenes immikkut pisinnaasaqarnerat qitiutinneqarniarpoq, qiimanermut atugassanik nukissaqarneq aamma eqqarsartaasimikkut sakkussaqaqluarnerat. Kateriittunut saqqummiinermi ilaatigut qaammarsarneqarniarput naalagersiorsinnaaneq, pimoorullugu angusaqarusussinnaaneq, akuersaarneq, imminut piunassuseqartissinnaaneq, allanut naleqqiullugu nammineq inissisimanermut naliliisinnaaneq, sumut killissimanermut nalileerusussuseqarsinnaaneq, pisunut malinnaalluarnikkut sumut nammineq killinnermut naliliisinnaaneq, pisunut aamma pissutsinut nutaanut qiimasumik ammassuseqarsinnaaneq, nammineq nalilersorneqarsinnaanermut ammassuseqarneq, tamatigoortumik nalilersorneqarsinnaanermut peqataarusussuseqarneq allarpassuillumi.

Anguniakkat 2: Nunarput pisariaqaritsivoq aallarnisaasunut siuttuusinnaasunullu, angusaqarusussuseqarnermut ammasunit aamma imminut aqussinnaanermut piunassusilinnut. CykelDrengene tusarnaariat tikkuussunniarpaat qanoq imminut aqussinnaanerup pitsaaningorsinnaanera, aamma qanoq sulisut namminerlu anguniakkanut malersuillaqqinnerusinnaaneq qanoq sunillu sakkussaqaartinneqarsinnaanersoq. CykelDrengene takutikkusuppaat inuunermi misilitarpassuarminnit katersatik soorpiarneri aamma suussuseqarneri. Ilaatigut oqaluttuarerusullugit:

- imminorpiaq qitiutilluni saqqummersinnaaneq
- allanut naleqqiullugu saqqumminermi sumut killissimanermut naliliisinnaaneq
- allanit akuersaarneqarneq aamma allanit akuersaarinneq

Pilersaarut:

Kateriittunut saqqummiineq Sisimiut meeqqat atuarfiini angajullernut aamma HTX

| | | |
|----------------|--------------------------------------|--------------|
| qinnuteqartoq: | siunertaq / piviusunngortilersaagaq: | akuersissut: |
|----------------|--------------------------------------|--------------|

Kateriittunut saqqummiineq Nuuk meeqqat atuafiini angajullernut
Kateriittunut saqqummiineq Nuuk GU-tunut, NI Nuuk, allallu
Kateriittunut saqqummiineq Nuuk aallarnisaasunut aamma pisortanut
Inuit 1.000-it missaat suliniummut peqataapput.

| | | |
|-----------------------------|---|---------|
| Nuka Alice Lund Sisimiut | Taseralik Sisimiut 2022-imi Café Taseralimmi tusarnaartitsinerit. Nassuiaat: Taseralimmi 2022-imi tusarnaarianut akeqanngitsumik qaammammut ataasiar- luni Café Taseralimmi tusarnaartitsisoqartarnissaa siunertaralugu matumuuna NunaFondimut aningaasartuutit ilaasa matussusernissaanut qinnuteqarpugut. Scene ammasoq nipilersortartunut inuusuttunut inerisaaffiuvoq Taseralik Sisi- miunilu nipilersornermik ilinniarfik Serravik suleqatigiillutik Scene ammasumi ni- pilersornikkut piginnaasanik inerisaaneq ukiuni kingullerni aqqaneq marlunni ingerlappaa tassanngalu ineriartortitat ilagaat nipilersoqatigiit Atsinnermiut. Taakkua inuusuttuaranngulerlutik Serravik aqqutigalugu nipilersuutinik atuinis- samik ilinniarput Taseralimmi scene ammasumi nipilersorluni sassarnermik sungiusarlutik. Imak ineriartortigaat allaat nammineq taalliaminnik erinnia- minnullu CD-mik saqqummersitsinikuupput KODA-lu nersornaataannik 2018-imi innersuunneqarlutik. Nipilersornermi sassarnek ugguuna pingaaruteqarpoq ni- pilersortup inuttut naleqassusaa annertusarneqartarmat tassuunalu imminut tatigineq annertusarneqartarmat inerisaaqataarusoqaagut. Sassarnermi aam- ma nammineq taalliat erinniarlu tusarnaartoqarluni misilerarneqarsinnaapput ineriartortinneqarlutillu. Inuusuttunut nipilersortut inerisaaffiit nutaat. Serravik suleqatigalu scene am- masumi inerisaaneq suli ingerlajuarsinnarpoq, sassartartullu nammineq kaju- missusertik aallaavigalugu sassartarput. Maanna Scene ammasumi sassarlutik pikkorissiarturnerat ilutigalugu Café Taseralimmi akissarsiaqartillugit appittus- sanngorlugit periarfissikkusuppagut. Suliniutip uuma nammineq taalliorlunilu erinniornissamik aqqutissieqataanissaanik siunertaqarpoq, inuusuttuaqqat | 117.732 |
|-----------------------------|---|---------|

| | | |
|----------------|--------------------------------------|--------------|
| qinnuteqartoq: | siunertaq / piviusunngortilersaagaq: | akuersissut: |
|----------------|--------------------------------------|--------------|

inuusuttullu namminneq pilersitaminnik inerisaanissaanik kajumissaarineruluni.

Uku inuusuttuaqqat inuusuttunngortullu nutaanik isumataarnissaat anguniarlu-
gu tusarnaartitsinerit affaat Nuummiit, Ilulissaniit, Aasianniit Nanortalimmiillu
tikisitsilluta Taserelimmi appisimaartarnissaat aamma anguniarparput.

Cafémi tusarnaartitsinerit tusarnaarianut akeqassanngillat pilersaarutillu malil-
lugit 2022-i tamaat qaam-mammut ataasiarluni arfininngornerit aappaani inger-
lanneqartassapput.

Nunafondimut qinnutigineqarput aningaasartuutit tamakkiisut 37%-ii qinnutigi-
neqarput tassaallutik ukununga aningaasartuutit: Angalaneq, ineqarneq, allat
taalliaannik erinniaannillu atuillutik tusarnaartitsisussat akissarsiaat kiisalu
tusarnaartitsinermi nipilersortunut tumannguersaatit. Sisimiuni Sømmandshjem
Taseralik suleqatigalugu tikisitanik unnuitsinermi 35%-imik akikilliliivineqar-
nermik isumaqatigiissuteqar-poq aningaasartuutillu tamakkiisut 3%-inik tapiillu-
ni. Sisimiuni najukkami ataatsimiititaliamut Nammineq taalliaannik erinnianillu
tusarnaartitsisussat akissarsiaannut aningaasartuutit tamakkiisut 19%-anik na-
leqartumik qinnutigineqarput. Taseraliup nammineq matussutissava aningaa-
sartuutit tamakkiisut 41%-anik naleqartumik inimik attartortitsineq, nittarsaas-
sineq, teknikeqartitsineq kiisalu pilersaarusioneq.

Suliniunni inuit 19 peqataassapput, sutorniartarfiliartut saniisigut.

| | | |
|---------------------------------------|--|---------|
| Maria Camilla Kristiansen Sisimiut | Serravik Sisimiut Serravik-up aamma Sermersuumi Nipilersornermik Ilinniarfik-up suleqatigiinnerata ineriartortinneqarnissaa. Qulaannit isigalugu piviusunngortinnialersaagaq nipilersornermut ilinniartitsinera- nut, suleqatigiiffeqarneranut aamma piginnaasakkut paarlaaqatiginnernut pingaa- ruteqarpoq. Anguniakkat ilagaat ataatsimoorussamik immikkut ittumik ataatsimoortarfeqarner- mik periarfissaqarneq misigisarneqassasoq, kalaallisut. Tamanna tunngavisserniar- lugu taamatut aallaavilimmik ilinniartitseriaaseqarniarpuqut, ilaatigut atuakkatigut | 116.000 |
|---------------------------------------|--|---------|

qinnuteqartoq:

siunertaq / piviusunngortilersaagaq:

akuersissut:

nipilersorneq pillugu ilinniarsinnaaneq pillugu. Serravik-up atuakkatigut nipilersornermi ilinniartitsinerminut atortarpaa Music Mind Games.

2021-mi majimi Sermersuumi Nipilersornermut Ilinniarfik Music Mind Games ilisartinneqarput, saqqummiisuulluni Jacob Froberg, Serravik-meersoq.

Piffissami aggersumi Nuuk-miinnermi suliniaqaqatigiinnermi Jacob-ip salliuffisissavaa piginnaasakkut MMG atorlugu ineriartortitsineq, peqataassappullu nipilersornermut ilinniarfiit pineqartut marluusut.

Anguniagaq alla tassaavoq Serravik-ip pilersaarutigimmagu supiillutik nipilersortartiqatuguut ineriartortinnissaat. Sermersuumi Nipilersornermik Ilinniarfik-mi supiillutik nipilersortartoqatigeeqarpoq ingerlalluurtunit. Siunertaavoq Sermersuumi Nipilersornermik Ilinniarfik-up Serravik ikiussagaa ingerlariaqqinnissamut isumassarsilluarnissamut.

Serravik-mi supiilluni nipilersornermut ingerlatsilernissaanut tunngatillugu Sermersuumi Nipilersortartut Ilinniarfiat-neersoq Titken A. Jakobsen supiilluni nipilersornissamut suliniuteqaqatigiinnermik ingerlatsitsissaaq. Supiilluni nipilersornissamut suliniuteqaqatigiinneq Serravik-miit aamma Sermersuumi Nipilersornermut Ilinniarfik-meersunut peqataaffigineqassaaq. Suliniuteqaqatigiinneq tusarnaartitsinermik inaarneqassaaq. Nuuk-mi Hans Egede-p Oqaluffiani pattartartuusoq Chiho Malu Audibert peqatigalugu Serravik-mi ilinniagaqartut oqaluffimmi tusarnaartitsissapput. Tusarnaartitsineq taanna aamma supiilluni nipilersornermut suliniuteqaqatigiinnermut naggasiilluni tusarnaartitsinertut inissisimassaaq.

Ulloq kissaatigineqartoq eqqorlugu tusarnaartitsinissaq anguniarlugu suli aqqilluagassaqarpoq. Periarfissaavorlu tusarnaartitsinnerup Sermersuumi Nipilersornermi Ilinniarfik-mi ingerlanneqarsinnaanera.

Pingaartullit pineqartut saniatigut aamma pingaartinneqarpoq piginnaasatigut aamma piorsarsimassutsikkut ilinniartut sumiiffiugallartumi aamma angusaqarluarnissaat. Kiisalu ilaatigut Katuaq-mi tusarnaartitsinermut ilinniartut tusarnaariassapput isiginnaariaataa, tassanilu Jacob Froberg peqataassalluni.

Inuit 20-it suliniummi peqataassapput.



Akuersissutit
nittarneqarput
31. januar 2022

qinnuteqaatit 2021 september ~ november 2021
aallaavigalugit akuersissutaasut qinnuteqaatit
100.000,- kr-ninut sinnerlugillu annertussusilinnut



| | | |
|----------------|--------------------------------------|--------------|
| qinnuteqartoq: | siunertaq / piviusunngortilersaagaq: | akuersissut: |
|----------------|--------------------------------------|--------------|

| | |
|---|---------|
| 2022-mi januarimi akuersissutit katinnerat qinnuteqaatinut tamarmik 100.000,- kr-ninit annertunerusut 2021-mi septemberimiit 2021-mi novemberimut tigusimasavut aallaavigalugit: | 448.732 |
|---|---------|

| |
|---|
| Takusassiaq una 2021-mi ukloq tamaat akuersissutit allattorsimaffiani aamma akuuvoq. Akuersissutit ukiuni aggersunut atasut ukiut aggersut pineqarfiini ilaatinneqarput. |
|---|